

Delegation

ऑपरेशन सिंदूर मगरा आतंकवाद खिलाफ भारत दे सैद्धांतिक ते दृढ़ रुख मूजब सांसदे दे 7 सर्वदलीय प्रतिनिधिमंडल अपने आउटरीच कार्यक्रम तैहत बक्ख बक्ख देशों दे दौरे पर न। एह प्रतिनिधिमंडल सारे रूपें च आतंकवाद गी कतई बर्दाश्त नेई करने दा भारत दा मजबूत पक्ख रखा र दे न। कांग्रेस दे सांसद शशि थरूर हुन्दी अगुवाई च सर्वदलीय प्रतिनिधिमंडल नै ब्राजील दे विदेश मामलें ते राष्ट्रीय रक्षा समिति दे अध्यक्ष, फिलिप बरोज़ हुन्दे कन्नै मलाटी कीती। इसदे थ्वा पैहले प्रतिनिधिमंडल नै ब्राजील दे विदेश मामलें दे महासचिव, राजदूत हुन्दे नै बी मलाटी कीती। हुन एह प्रतिनिधिमंडल अपनी यात्रा दे अखीरले गेड च अमरीका जाग। मीडिया कन्नै गल्लबात च सांसद शशि थरूर होरें आक्खेआ ऐ जे वाशिंगटन च उनदी केंई सरकारी अधिकारियें, सीनेटरें, प्रभावशाली थिक टैंकें, मीडिया ते सदन ते सीनेट दी बक्ख बक्ख समितियें कन्ने बैठक होग ते किश सार्वजनिक संबोधन बी होडन।

<><><><><><>

Tourism Jammu

जम्मू-कश्मीर च पुंछ जिले दे कब्जा रेखा कन्नै लगदे अगेत्रें ग्राएं 60 सोयां मते वगैर फट्टे दे गोले दा पता लाया ते उनें गी सफलतापूजवक नकारा बनाया गेआ। साहडे संवाददाता नै दस्सेआ नै दस्सेआ ऐ जे हुनै तगर कुल 67 बगैर फटे दे गोले दा पता लाया गेआ ते फीह उनें गी नकारा बनाया गेआ। सेना 7 सोयां 10 मेई बश्कार पाकिस्तान आस्सेआ बन्ने पारा थ्वां कीती गेदी गोलीबारी मगरा बगैर फटे दे शैलस गी व्यवस्थित तरीके कन्ने नकारा बना र दी ऐ। एह अभियान सेना आस्सेआ आबादी आहले ते राईबाई आहले क्षेत्रें सोयां खतरनाक हथियारें गी हटाने दी व्यापक पैहल दा हिस्सा ऐ।

<><><><><><>

Kheer Bhawani Mela

जम्मू कश्मीर दे गांदरबल जिले दी तुलमुला थाहर माता रागन्या देवी मंदर च सालाना क्षीर भवानी मेला रिवायती उत्साह ते जोश कन्नै मनाया जा'रदा ऐ। एह ध्यार सांप्रधायिक सद्भाव ते भाईचारे दा प्रतीक ऐ, जेहड़ा सदिएं थमां जम्मू कश्मीर दी पंछान रेई ऐ ते समृद्ध बहुलवादी लोकाचार गी बह दर्शादा ऐ। प्रदेश ते मुख्य भरै थमां खरी मती गिनतरी च श्रद्धालु इक धार्मिक उत्सव च हिस्सा लैने लेई औंदे न। मेले दे सुचारु संचालन गी जकीनी करने आस्तै सुरक्षा दे व्यापक इंतजाम ते प्रशासनिक बवस्था कीती गेदी ऐ।

<><><><><><>

LG-Jyeshtha Ashtami

उपराज्यपाल मनोज सिन्हा होरें अज्ज ज्येष्ठ अष्टमी दे मौके पर सब्बने गी खास शुभकामनां दित्तियां न। अपने सनेए च उपराज्यपाल होरें आक्खेआ जे माता क्षीर भवानी जम्मू कश्मीर दे सब्बने लोकें पर अपना अर्शीवाद बनाई रखे ते जम्मू कश्मीर च शांति, रमानदारी ते तरक्की बाद्धे लेई अपनी कृपा करे। उपराज्यपाल होरें कामना कीती ऐ जे एह ध्यार आपसी भाईचारे ते इकजुटता आली भावना रखे।

<><><><><><>

CM-Kheer Bhawani

मुख्यमंत्री उमर अब्दुल्ला होरें अज्ज माता क्षीर भवानी मेले दे पवित्र मौके पर जम्मू कश्मीर दे लोकें गी शुभकामनां दित्तियां न। अपने सनेए च मुख्यमंत्री होरें आखेआ जे एह ध्यार आपसी भाईचारे ते रमानदारी दी प्रतीक ऐ जेहड़ा जम्मू कश्मीर दी सगोसार संस्कृति गी केइएँ सदिएँ थमां दर्शादा ऐ। मुख्यमंत्री होरें जम्मू कश्मीर दी शांति, रमानदारी ते मरक्की बाढ़े लेई कामना बी कीती। उमर अब्दुल्ला होरें आखेआ जे मेला क्षीर भवानी सदा थमां गै आपसी भाईचारे दी इक नूठी मिसाल रेहा ऐ।

<><><><><><>

CM-Urs

मुख्यमंत्री उमर अब्दुल्ला होरें हजरत मीर सैयद अली हमदानी जिनेंगी शरदा कन्नै शाह—ए—हमदान बी आखेआ जंदा ऐ हुंदे सलाना एर्स दे मौके पर कल जम्मू कश्मीर दे लोकें गी शुभकामनां दित्तियां। अपने ममारकी सनेए च मुख्यमंत्री होरें महान सूफी संत गी श्रद्धांजलि भेंट करदे होई कश्मीर दे सांस्कृतिक, समाजी ते आध्यात्मिक ताने बाने गी मजबूत बनाने च उंदे योगदान गी चेता कीता।

<><><><><><>

Speaker LA

जम्मू कश्मीर विधानसभा दे स्पीकर अब्दुल रहीम राथर होरें हाल च खडेरी गेदिएं सदन समितिएं दे अध्यक्षें गी जोर देइयै आखेआ ऐ जे ओ अपनी अपनी कमेटी दे कम्मे गी मता कुशल ते असरदार बनाने लेई विधानसभा सचिवालय कन्नै नेड़मा तालमेल बनाइयै कम्म करन। उनें सदन समितिएं दे अध्यक्षें दी बैठक सदियै उंदे कन्नै जिम्मेवारी, तौर तरीके ते नियमें कायदे दे बारे च चर्चा कीती ही। बैठक दरान स्पीकर होरें सब्बने समिति अध्यक्षें गी उंदिएँ जिम्मेवारिएँ ते भूमका दे बारे च बी दस्सेआ ते जोर देइयै आखेआ जे ओ कुशल, असरदार, पारदर्शी ते लक्ष्य आधारित नतीजे हासल करने लेई सरकार दे बक्ख—बक्ख विभागें कन्नै बी नेड़मा तालमेल बनाइयै कम्म करन।

<><><><><><>

IPL Cricket

आईपीएल 2025 दा फाइनल मैच अज्ज अहमदाबाद दे नरेन्द्र मोदी स्टेडियम च खेड़्देआ जाग। संजा साढ़े 7 बजे शुरू होने आले इस खताबी मकाबले च पंजाब किंग्स ते रॉयल चैलेंजर्स बैंगलुरु दियां टीमां आमने सामने होंगन।

<><><><><><>

PTC Announcement

आकाशवाणी जम्मू दे क्षेत्रीय समाचार एकांश आसेआ कठुआ जिले लेई अंशकालिक संवाददाता यानि पीटीसी लेई दरखास्तां मंगियां गेइयां न। इच्छुक आवेदक जेहदी उमर 24 थमां 50 बरें दे बश्कार ऐ ते ओह कठुआ जिले दा रौहने आहला ऐ, इस लेई आवेदन करी सकदा ऐ। मेदवार कश पत्रकारिता च पी.जी डिप्लोमा, डिग्री या कुसै बी पंजीकृत यूनिवर्सिटी थवां ग्रैजुएशन ते पत्रकारिता च 2 बरें दा तजुर्बा होना लोड़चदा ऐ। मेदवार गी कम्प्यूटर पर खबर बनाने ते मीडिया कवरेज दे अनुभव सने सरबंघत लोड़चदे उपकरणें वगैरा दा इस्तेमाल करना बी औना चाईदा। आवेदक जिला सदर दफतर दी 10 किलोमीटर दी हद्द दे अंदर—अंदर रौहदा होना चाईदा ऐ। दरखास्त ते लोड़चदे दस्तावेजें दी कॉपी मेदवार गी क्षेत्रीय समाचार एकांश आकाशवाणी जम्मू कश पंजीतीर्थी 15 जून 2025 थवां पैहले—पैहले आइए दस्ती जमा करोआनी होग। इस बारै व्यापक जानकारी आकाशवाणी दी वेबसाइट www.newsonair.gov.in पर उपलब्ध ऐ।

<><><><><><>